



文苑英華辨證卷之六

正德堂藏書

名氏

正德堂藏書

正德堂藏書

正德堂藏書

其有可疑及當兩存者○如暢當軍中醉飲寄沈八劉叟詩酒渴愛江清餘酣漱晚汀○司空曙杜鵑行古時杜宇稱望帝魂作杜鵑何微細今並載杜甫集○昇天行二首藝文類聚郭氏樂府並作曹植而文苑以為劉孝威○愛妾換馬見張祐集樂府亦作張祐而文苑以為陳標省試詩見唐宋類詩者名氏見異同○孔熙先

文苑英華辨證卷六

一知不足齋藏書

為彭城王徽征鎮文宋書范曇傳以為熙先令弟休先作○杜弼為東魏檄梁文通鑑同類聚以為魏收作○周書皇后傳論入柱國論文苑題作魏徵而周書迺合狐德棻撰○陳畱郡文宣王廟碑文苑總目既題作獨孤及而兩卷重出八百十四卷八並作陳兼按此篇載獨孤及集中梁肅作集後敘云述聖德以揚儒風則陳畱郡文宣王廟碑肅出及門必不誤書然碑末迺云命客卿前封丘縣

丞泗上陳兼志之豈及命兼代作或及自作以兼爲名乎○又文武百僚謝示開府魚朝恩以所造周易鏡圖表田神玉謝端午物表二篇並以爲張說作按朝恩廼代宗時神王大歷中爲節度使張說於開元十八年已卒疑當作邵說文苑多有以邵說爲張說者○爲李懷光讓

起復表二首題作獨孤及按及神道碑以大歷十二年四月二十九日卒而舊史載懷光大歷十二年以母憂去職明年方起復決非

及所作而本集亦無之疑文苑所編誤蒙前表名氏前表爲李給事讓起復七首乃獨孤及也○元稹論裴延

齡表二首按表論延齡譖陸贄事又云職忝

諫司然贄以貞元丁年貶禎於元和元年除

拾遺相去十一年而禎集亦無之○白居易

諫不用姦臣表按裴言元稹尙居台司裴度

爲東都留守事又云職當諫列然元白交分

始終不替方元傾裴時白亦不在諫列而本

集亦無之○梁貞陽侯與王太尉僧辯書及

爲僧辯荅貞陽侯書二首並題徐陵作按陳書徐陵傳齊送貞陽侯蕭淵明爲梁嗣遣陵隨還僧辯不納淵明往復致書皆陵詞今僧辯荅書又曰陵作恐非也○此類覽者所宜詳也

題目一

凡題目有訛舛當是正者○如張說三月三日承恩讌樂遊園詩三日集作二十日其詩云旬宴美成功則非三日矣今迺題作三日

文苑英華辨證卷六

三知不足齋叢書

編八上巳門○李白秋夜獨坐懷古集作懷故山詩意甚明今迺題作懷古編八懷古門○李益宮苑花集作宮怨詩云露墜晴花春殿香月明歌吹在昭陽似將海水添宮漏共滴長門一夜長今迺題作宮苑花編八雜花門○顏師古太宗廟樂舞名議貞觀十四年六月一日詔曰殷薦祖考以崇功德比雖加以誠潔而廟樂未稱宜令所司制定奏聞於是師古立議與後篇許敬宗定宗廟樂議實

一事也豈有貞觀中而預議太宗廟樂舞名乎當題作定宗廟樂舞名議○蘇頲唐中宗諡議冊文唐大詔令文粹並作諡冊文或謂此篇有臣等上議之語而首末迺類諡冊故題目兼云諡議冊文殆一時變禮然諡議諡冊文苑自分兩門此爲可疑耳○柳宗元左常侍柳渾諡議按宗元迺渾姪孫作渾行狀行狀載九百七十七卷仍作此上考功狀下太常博士裴寬因諡曰貞本集並載其事而寬議不錄

文苑英華辨證卷六

四知不足齋叢書

今迺編在諡議中

題目二

又有題目是而文則非者○如杜甫病馬詩二首其一致此自僻遠乃蕃劍詩其二乘汝亦已久則病馬詩也○李嘉祐奉陪韋潤州游鶴林寺詩二首其一冷氣清金虎乃潤州楊別駕宅送蔣侍御收兵歸揚州詩已八二百七十一卷送行門中其二野寺江城近則游鶴林寺詩也○吳均雪詩雪逐春風來過

集巫山野瀾漫雖可愛翻揚詎堪把問君何  
所思思昔同心者坐須風雪霽相期洛城下  
此篇與類聚同而一百五十六卷重出迺作  
雲詩以雪逐爲雲逐風雪爲風雲誤矣按類  
聚自有吳均雲詩二首其一飄飄上碧虛藹  
藹隱青林芬氤如有意縈鬱詎無心其二白  
雲蒼梧來過拂章華臺逢河散復卷經風合  
且開○張籍送邊使安西將各是一詩二百  
九十七卷既有送邊使詩而三百卷安西將  
又以送邊使詩充之○溫庭筠重題端正樹  
望苑驛各是一詩二百九十八卷既有望苑  
驛詩而三百二十六卷重題端正樹又以望  
苑驛詩充之今各用集本釐正○馬周請崇  
節儉及制諸王疏迺是初除監察御史論奉  
親宗廟襲封樂工等疏○杜佑尙書官議乃  
是僕射議今以新舊史增入馬周疏以通典  
增入杜佑議

凡門類混淆當是正者○如梁簡文帝琴臺

詩周明帝過舊官詩並在應制門二詩既非

應制又無和篇凡應制者或首况琴臺詩又

已編入三百十三卷臺門乎○崔國輔長信

宮一首王昌齡二首元在長門忽中長門迺

陳后長信迺班婕妤好今移入長信官門○費

昶發白馬詩元在樂府白馬類按白馬迺津

名故加發字與前白馬不同今移附於末○

李尚書讓兼左僕射張說讓中書侍郎嚴大

文苑英華辨證卷

六知不足齋叢書

夫武謝黃門侍郎三表皆在宰相門核唐僕

射雖為尙書省長官號為宰相而李尚書迺

在外檢校官制書云除臣說以睿宗卽位為

中書侍郎景雲二年方同平章事則中書侍

郎未便為宰相門下侍郎黃門東臺掌貳侍

中之職帶平章事者為宰相如褚遂良崔日

用皆為黃門侍郎或參綜朝政或參知機務

迺宰相之任今嚴武為黃門侍郎初未嘗為

宰相也○蘇安恒請復子正位疏又請則天

復位疏並是請武后復政太子第一篇內因及封諸孫事遂立爲封建門誤矣當改爲復

辟

第一篇又重出  
在勸進門亦誤

○皇甫湜顧況集序集作

顧況詩集序文苑元分文集序詩集序今編

入文集門當在詩集中○柳宗元送徐從事

北遊序此非遊宴也迺編入遊宴門當在送

別中

與七百三十二卷送辛  
殆庶遊南鄭序一類

○又墓誌有宰

相門職官門太子少師崔公宰相崔圓之父

終河東判官贈太子少師迺入宰相門○相

文苑英華辨證卷六

七知不足齋叢書

國李抱眞宰相周墀迺入職官門○獨孤及

殤子章八誌男子也迺入婦人門○李商隱

重祭外舅司徒公文親族也迺入交舊門○

文章門而有非文章者呂溫代辛將軍與普

閔劉尚書代呂侍郎與徐州張尚書二書是

也○邊防門而有非邊防者王勃與契苾將

軍駱賓王與程將軍二書是也○遷謫門而

有非遷謫者韓愈上李實尚書白居易上陳

給事杜牧劉蛻投知己薛逢上崔鹽鐵等書



是也

脫文一

凡有脫文見於他本者○如梁簡文帝初秋詩羽翬晨猶動珠汗晝恒揮秋風忽嫋嫋向夕引涼歸卷幌通河色開窓望月輝晚花欄下照疎螢簟上飛直置猶如此何況送將歸浮陰卽染浪清氣始乘衣文苑與初學記無末二句而類聚有之集本又以此二句在輝字韻上恐是○劉孝綽對雪詠懷詩桂華殊

文苑英華辨證卷六

凡不足齋叢書

皎皎柳絮亦霏霏詎比咸池曲飄飄十里飛  
恥均班女扇羞儷曹人衣浮光亂粉壁積照  
朗彤闈鵲鴿搖羽至鸚鵡拂翅歸相彼猶自  
得嗟子獨有違終朝守玉署方夜勞石扉未  
能奏緜綺何由辨國闈坐銷風露質遊聯珠  
璧暉偶懷笨車是長知高蓋非寄言謝端木  
無爲陳巧機文苑與初學記止有前八句而  
集本題作校書祕書省對雪詠懷有全篇如  
上○何遜早朝詩詰且鍾聲罷隱隱禁門通

遠車響北闕鄭履入南宮宿霧開馳道初日  
照相風胥徒紛絡繹駟御或西東暫喧耳目  
外還保性靈中方厭一作驗遊朝市此說不為

空文苑與類聚止有前八句而集本題作早  
朝車中聽望有全篇如上○蕭子顯日出東  
南隅王褒燕歌行類聚與文苑並略而郭氏

樂府有全篇日出東南隅曰大明上迢迢陽

城射凌霄光照窻中婦絕世同阿嬌明鏡盤

龍刻簪羽鳳凰雕文苑類聚無此二句透迤梁家髻冉

文苑英華辨證卷六

九知不足齋叢書

弱楚宮腰輕紈雜重錦薄縠閒飛綃二六前

年暮四五今年朝無此四句蠶園拾芳繭桑陌採

柔條出入東城裏上下洛西橋無此二句路逢車

馬客飛蓋動襜輶單衣鼠毛織寶劔羊角銷

大夫疲應對御者輟銜鑣柱閒徒脈脈垣上

幾翹翹無此二句女本西家宿君自上宮要漢馬

三萬匹夫壻仕嫖姚盤囊虎頭綬左珥鳧盧

貂橫吹龍鍾管奏鼓象牙簫無此四句十五張內

侍十八賈登朝皆笑顏郎老盡訝董公超無此

二句○燕歌行曰初春麗景鶯欲嬌桃花流水

遶河橋薔薇花開百重葉楊柳覆地數千條

隴西將軍號都護樓蘭校尉稱嫖姚無此自二句

從昔別春燕分經年一去不相聞無復漢地

長安月唯有漠北薊城雲淮南鏡一作桂中明

月影流黃機上織成文充國軍行一作行軍屢築

營陽史討虜陷平城城下風多能卻陣沙中

雪淺詎停兵無此六句屬國小婦猶年少羽林輕

騎數征行遙聞陌頭採桑曲猶勝胡笳邊地

聲笳聲向暮使人泣還使一作長望閨中空佇立

桃花落地杏花舒桐生井底寒葉疎上句一作桃抽

覆地春花舒試為來看上林鴈應一作必有遙寄隴

頭書○沈約酌謝宣城詩王喬飛鳧烏東方

金馬門云云共十韻見文選而文苑止從類

聚載上七韻無下三韻蓋類聚初學記並是

節文而文苑止以二書編之耳○顧况短歌

行文粹作悲歌三首邊城路今人犁田昔人墓岸

上沙昔時江水今人家今人昔人共長歎四

文苑英華辨證卷六

十知不足齋叢書

氣相催節過換明月皎皎入華池白雲離離

度青漢以上文苑無我欲昇天天隔霄我欲渡水

水無橋我欲上山山路險我欲汲井井泉遙

越人翠被今何夕獨立沙邊江草碧紫燕西

飛欲寄書白雲何處逢來客其新繫青絲百

尺繩心在君家轆轤上我心皎潔君不知轆

轤一轉一惆悵何處春風吹曉幕江南綠水

通朱閣美人二入顏如花泣向春風畏花落

臨春風聽春鳥別時多見時少愁人一夜不

五苑英華雜詩卷之

得眠瑤井玉繩相對曉其二文苑無此四句斬轅黃帝

初得仙鼎湖一去三千年周流三十六洞天

洞中日月星辰聯騎龍駕景遊入極軒轅弓

劍無人識東海青童寄消息其三無上四句今以文

粹添入郭氏樂府又作六首內三首與文苑元本同○聶夷中送

友人歸江南詩皇州五更鼓月落西南維此

時有行客別我孤舟歸上國身無主下第誠

可悲天風動高柯不振短木枝歸路無愁腸

省家無愁眉春日隋河路楊柳飄飄吹文苑

正收前六句今以集本增入○宋之間幸未央宮應制詩春發幔城中集作春發幔城東仍有四句登高省時物懷古發宸聰鍾連長樂處臺識未央中文苑以東作中遂脫四句○吳邁遠飛來雙白鶴詩千里猶寸移樂府作千里猶待君仍有四句樂哉新相知悲來生別離持此百年命共逐寸陰移文苑止作一句遂脫二十字今各增入

續添

文苑英華辨證卷之六

文苑英華辨證卷之七

脫文二



又如徐陵冊陳王九錫文亂離永久羣盜孔  
多浙右凶渠連兵構逆豈止千兵五校白雀  
黃龍而已哉公以中軍元帥選是親賢姦寇  
塗窮濯然沐浴自豈止至塗窮二十七字見  
陳書而文苑從南史止云勢窮力蹙四字○  
沈炯勸進梁元帝表陛下日角龍顏之姿表  
於徇齊之日彤雲素氣南史作靈之瑞基於應物

文苑英華辨證卷七

一列不在上篇發書

之初博覽則大哉無所與名深言則晁乎昭  
南史文章之觀忠為合德孝實動天加以英威

茂略雄圖武算指麾則丹浦不戰顧盼則版

泉自蕩七十六字見梁書南史而文苑止作

陛下孝實動天忠為合緒加以闕二威窮則

版泉自蕩○上官儀賀涼州瑞石表伏見涼

州都督李襲譽表昌松瑞石合百一十字其

文曰高皇海出多子李久王八千年太平天

子李世民王千年太子李治書燕山樂太

國子尚注諤獎文仁通千古大王五王六王  
七王十王鳳尾才子天子武文貞觀昌大聖  
廷四方上下萬治忠孝爲善按唐書五行志  
貞觀十七年八月四日原州昌松縣鴻池谷  
有石五青質白文成字曰高皇海出多子李  
元王八十年太平天子李世民千年太子李  
治書燕山人士樂太國主尙汪譚獎文仁邁  
千古大王五王六王七王十鳳毛才子七佛  
八菩薩及上果佛田天子文武貞觀昌大聖  
延四方上不治示孝仙戈八爲善詞既異同  
而文苑脫十一字新史云樂太國主指安樂  
太平公主七佛八菩薩及上果佛田指武后  
則十字當增入然與百一十字數皆不合○  
許敬宗賀朔旦冬至表伏見宣義郎李淳風  
表稱竊見古歷分日起於子半勘得今歲十  
一月甲子朔且冬至而故太史令傳用乖天  
正按唐會要有此表云故太史令傅仁均欲  
尊異張曹玄法減餘稍多子初爲朔遂差三

刻用垂天正脫二十一字當增入○隋文帝  
求賢詔見隋書仁壽三年凡五百餘字文苑  
止載庶政為懷以下百餘字○權德輿歲星  
居心贊文苑與集同而文粹所載多百餘字  
○元稹賢良策文苑文粹文類止云設三式  
以任人而集本作四式文載本篇○許籌珪禪師  
影堂記自結廬而下多脫略三不能止有二  
不能今以傳燈錄增入○彭城王徽征鎮文  
周太祖檄高歡文脫略亦多今以宋書范晔

文苑英華辨證卷七

三知不足齋叢書

傳及周書北史增入

### 脫文三

其有他本節略而文苑有全篇者○如劉孝  
威望兩詩瓊綃挂繡幕象簞列華牀侍童拂  
羽扇廚人奉滌漿內則有漿有滌注滌涼也類聚初學記  
並無此四句○王胄奉和悲秋應令詩秋天  
擬文學秋水擅莊蒙草溼兼葭露波卷洞庭  
風便坐翻桑葉長坂歇蘭叢簷喧猶有燕陂  
靜未來鴻蟬噪聞疑斷池清映似空劉安悲



落木曹植歎征蓬重明豈凝滯無累在淵冲  
隨詩四序合應物五情同發言形惻隱睿作  
挺神功下材均朽木何以慕雕蟲此篇前五  
韻初學記作蕭愨秋日詩文苑一百七十八  
卷亦載云庾信作而一百七十九卷乃十韻  
共題王曾作觀其詞意只是一篇當以十韻  
爲正○宋之問送杜審言詩臥病人事絕聞  
君萬里行河橋不相送江樹遠含情別路追  
孫楚維舟弔屈平可惜龍泉劍流落在豐城

文苑英華辨證卷七

四知不足齋叢書

集本同近洪氏邁絕句詩選入止收前二韻  
○駱賓王帝京篇春去春來苦自馳爭名爭  
利徒爾爲久畱郎署終難遇空掃相門誰見  
知集本無此四句○張說開元大衍歷序勒  
成一部名曰開元大衍歷經七章一卷長歷  
三卷歷議十卷立成法十二卷天竺九執歷  
一卷古今歷書二十四卷略例奏草一卷凡  
五十二卷按唐會要云經章十卷長歷五卷  
歷議十卷立成法天竺九執歷二卷古今歷

書二十四卷略例奏草一卷凡五十二卷唐  
藝文志云大衍歷一卷又歷議十卷歷立成  
十二卷歷草二十四卷七政長歷三卷心機  
算術括一卷二書雖與文苑小異而其卷具  
存唯集本文粹脫長歷三卷至天竺九几十  
七字九執廼歷名出西域也○李德林天命  
論隋書本傳於內節去自流於戶外至入司  
文武五百六十五字續添○劉洎請太子會  
賢重道書諸本於內節去竊以良娣之選至  
重內而輕外也一段說已見年月篇○魏徵明堂議  
自五帝至誠感自中九十四字何者至罔知  
一百五字顏師古議自聖上至僉議一百五  
十四字舊唐書會要文粹並節去並續添此  
類皆當從文苑

### 脫文四

其有元本脫逸而文苑因而襲之者○如徐  
彥伯題李適碑陰詩敘云人三章章八句合  
一十五章據此當有五人名氏其詩每名三

章今止有徐詩二章○嚴峻

字挺之字行

諫安福

門黼樂表與舊史所載同但三不可舊史作

四不可四不可作五不可既有五不可卻無

三不可一段而新史亦以為陳五不可疑脫

一段○杜牧沈傳師行狀出為湖南觀察使

兼御史大夫凡三歲轉為此下諸本並同疑

有脫文按舊史傳師出為湖南入為尚書右

丞出為洪州轉宣州○此皆可疑而亦可關

者也

文苑英華辨證卷七

六知不足齋叢書

同異

凡詩文與他本有題同而詞異者○如柳願

言奉和晚日楊子江應教詩詰旦金鏡發驂

駕出城闐鮮雲臨葆蓋細草藉玳輪千里煙

霞色四望江山春梅風吹落藥酒雨減輕塵

日斜歡未畢睿想良非一風生疊浪起霧捲

孤帆出捲藻麗繁星高論光朝日空美鄒枚

侶終謝淵雲筆初學記亦載一首大江都會

所長洲有舊名西流控岷蜀東汎邇蓬瀛未

觀織羅動先聽遠濤聲空濛雲色晦挾疊浪  
華生欲知暮雨歇當觀飛旆輕○許渾和友  
人送僧歸桂州靈巖寺詩楚客送僧歸故鄉  
海門帆勢落瀟湘碧雲千里暮愁合白雪一  
聲春思長滿院草花平講石遶龕藤葉蓋禪  
牀憐師不得隨師去已戴儒冠事素王許集  
有此詩二首前四句同後四句異云柳絮擁  
堤添衲軟松花浮水注瓶香南宗長老幾年  
別聞道半巖多影堂前詩題作和浙西從事

文苑英華辨證卷七

七知不足齋叢書

劉三復送僧南歸後詩作和友人送僧歸桂  
州靈巖寺豈文苑誤耶○方于敘雪寄喻鳧  
詩密片繁聲久未銷縈風雜霰轉飄颻澄江  
莫蔽長流色衰柳難枯自動條溼氣添寒酷  
酒夜素花迎曙卷簾朝此時行逕無人迹唯  
望徽之間寂寥方千集中別載一首密片無  
聲急復遲紛紛猶勝落花時逡巡不覺藏莎  
渚宛轉偏宜傍柳枝透室虛明非月照滿空  
迴散是風吹高人坐臥才方逸援筆應成六

出詞前篇唐宋類詩以爲杜荀鶴作而杜集亦無之○杜弼爲東魏

檄梁文與類聚通鑑並同惟魏書島夷蕭衍

傳文既諄復先後亦異其同者數百字而已

○陳鴻長恨歌傳見麗情集京本大曲詞多

異同○以上二篇今並錄於本篇之後○又

如荅魏和移文二首前篇何敬容作頗詳後

篇任孝恭作見類聚其文大同小異○李德

裕集敘二首前篇鄭亞作蓋亞爲桂帥時撰

今德裕集用之後篇李商隱作疑亞先委判

文苑英華辨證卷七入知不足齋叢書

官商隱代作亞後改定故有異同○以上四

篇文苑並收覽者所定詳也

文苑英華辨證卷之七

文苑英華辨證卷之八

離合一

凡詩有一篇析而爲二二篇合而爲一者○

梁武帝白銅鞮歌三首一作襄陽路銅鞮陌頭征人

去闈中女下機含情不能言送別沾羅衣其一

草樹非一香花葉百種色寄語故情人知我

心相憶其二龍馬紫金鞍翠旄白玉羈照燿

闕下知是襄陽兒其三見郭氏樂府今文苑合

第一第二爲一首又增襄陽白銅蹄聖德應

文苑英華辨證卷八

一知不足齋叢書

乾來爲首句按郭氏云隋書樂志襄陽白銅

蹄梁武帝自爲三曲又令沈約爲三曲今隋志無

古今樂錄沈約又作其和云襄陽白銅蹄聖

德應乾來合從樂府○張率長相思二首長

相思久離別美人之遠如雨絕獨延佇心中

結望雲雲遠散望鳥鳥飛滅遠望終若斯珠

淚不能雪其一長相思久別離所思何在若天

垂鬱鬱相望不得知玉階月夕映羅帷風夜

吹長思不能寢坐望天河移其二見樂府今文

苑從類聚無遠望終若斯珠淚不能雪二句  
遂合爲一首詳前後數篇當從樂府作二首

○劉孝威蜀道難玉壘高無極銅梁不可攀

雙流迸巖道九坂澀陽關鄧侯束馬度王生

斂轡還斂轡懼身尤叱馭奉王猷

樂府作懼身克叱馭

猶慙若恹千金重誰爲萬里侯戲馬吞珠

界揚舲濯錦流沈犀厭怪水握鏡表靈丘禺

山金壁有光輝遷客車馬尙輕肥彌想王褒

擁節反更憶相如乘傳歸君平子雲聞無嗣

文苑英華辨證卷八

二知不足齋叢書

江漢英靈信已衰此篇文苑與類聚同惟郭  
氏樂府析前五言八句後七言六句爲二首  
而無中間六句劉氏樂府又止有前八句當  
從文苑爲一首○江總姬人怨天寒海水慣  
相知空牀明月不相宜庭中芳桂憔悴葉井  
上疎桐零落枝寒燈作花羞夜短霜雁多情  
恒結伴非爲隴水望秦川直至思君腸自斷  
又姬人怨服散篇薄命夫婿好神仙逆愁高  
飛向紫煙金丹欲成猶百鍊玉酒新熟幾千

年妾家邯鄲好輕薄特忿仙童一九藥自悲  
行處綠苔生何悟啼多紅粉落莫輕小婦狎  
春風羅襪也得步河宮雲重欲駕應相待羽  
衣未去幸須同不學簫史還樓上會逐姮娥  
戲月中二詩本集及類聚合為一篇今詳題

目一為姮人怨一為姮人怨服散篇本集類聚止作

姮人怨正與詞相應當從文苑為二首○元稹

西齋小松詩松樹短於我清風亦已多况乃

枝上雪動搖微月波幽姿得閒地詎感歲蹉

文苑英華辨證卷八

三知不足齋叢書

跼但恐屢終構藉君當奈何簇簇枝新黃纖

纖攢素指柔苙漸依條短莎還半委清風日

夜高凌雲竟何已千歲盤老龍脩鱗自茲始

此詩文苑與集本併為一首詳其詞意既是

兩韻又用二清風字當為二首續添此類覽

者所宜詳也

避諱

凡避諱而易以他字者○如庾信蕭太誌周  
書北史並作蕭泰庾信蓋避周太祖諱泰改



作太字○虞寄諫陳寶應書見南史本傳以世故作艱故不世作動俗庇民作庇人迺作史者避唐諱耳○許敬宗舉賢良詔用生民吏民致治成治字而唐大詔今改爲生靈吏人致政成化當唐太宗時二名不偏諱

見寶錄及

會要高宗雖諱治而此詔在貞觀二十一年六月疑是後人追改○新羅王織錦作詩理物體合章理唐書本傳作治此在高宗永徽元年獻詩當避高宗諱則理字是○崔沔對應

文苑英華辨證卷八

四知不足齋叢書

封神嶽舉賢良策用治字世字時神功元年武后雖已革命不應便用唐諱○蘇頲冊開元神武皇帝文開者泰也罔不享享疑作亨或謂肅宗諱亨故改作享然此先天二年冊文也時肅宗諱嗣昇開元十三年改諱浚二十六年改諱紹天寶二載方改諱亨安得預爲之諱乎○又有避家諱者如杜甫宴王使君宅詩畱懽上夜關世謂子美不避家諱詩中兩押閑字麻沙傳孫氏戴杜詩押韻作卜

夜闌北斗闌今文苑亦作卜夜闌其實皆非也或改作夜闌又不在韻按卞氏集注杜詩及別本自是胥懽上夜闌蓋有投轄之意上字訛爲卜字闕字訛爲閑字耳北斗閑者廼諸將詩會閃朱旗北斗殷殷於顏切紅色也用班固燕然銘朱旗絳天之意或者當

國初時 宣祖諱殷正緊音雖不同字則一

體遂改爲閑邪

文苑不載諸將詩因併及之

### 異域

文苑英華辨證卷八

五知不足齋叢書

### 地名附

異域國名有與史傳異者○如紇圻斯門按唐書黠戛斯傳黠戛斯古堅昆國亦曰紇圻斯後訛爲黠戛斯李德裕與紇圻斯書與前篇黠戛斯書及唐黠戛斯傳事迹並同今文苑旣出黠戛斯門又有紇圻斯門誤矣○韓愈送鄭尙書序臘真于陀利之屬按南史通典並作于陀利而諸本韓文並以于作于○又烏公先廟碑從戰榛鹿集本文粹並作榛



鄭愔送金城公主適西蕃詩貴主悲黃鶴日

用詩雙鶴願爲歌李適詩主歌

悲願鶴馬懷素詩空餘願黃鶴漢書作鶴

按玉篇鶴何各切胡篤切漢紀注云黃鶴

似是二物然莊子鶴不日浴而白陸德明音

義直云鶴又作鶴並胡洛切則是一物又藝

文類聚鶴門亦有鶴事樂府飛來雙白鶴一

作白鶴則鶴鶴通用不可輕改○解鵲語判

驗茲鴉鴿取效何異於公明公明管輅字也

此判題云鄰婦殺夫鴿來相告事見管輅傳

文苑英華卷八

七知不足齋叢書

則鴿疑當作雒古沃切玉篇雒雒鵲廣韻雒  
鴉鴿似鴿而周禮設其鴿注鴉鴿小鳥今並  
存之○此類覽者所宜詳也

### 草木

凡草木名有訛舛及與他本異者○庾信枯  
樹賦松子古度平仲居遷核左思吳都賦平  
仲君遷松梓古度注皆木名楮榿木出交阯  
藝文類聚古文苑並作君遷是矣松梓二木  
而類聚古文苑並作松子未詳姑闕之○敬

括豫章賦淹莫靈之光價按莊子楚之南有  
冥靈者以五百歲爲春以五百歲爲秋莫疑  
當作冥○劉禹錫傷往賦翫零日及之萼集  
作日反按廣志日及木槿也晉成公綏潘尼  
並有日及賦反字恐非○敬括木連賦白居易  
易集有木連樹詩序云其花似蓮此賦亦云  
狀中浦之芙蓉連疑當作蓮○李迥秀和侍  
宴樂安公主山莊詩荻園竹徑接帷陰苗稅  
千畝判無聞荻竹之奢按東方朔傳荻竹籍

文苑英華辨證卷八

八知不足齋叢書

田是竇太主園貨殖傳河濟之間千樹荻渭  
川千畝竹師古曰荻卽楸字集韻荻楸通用  
荻字恐非○庾肩吾和汎舟漢水詩桂棹棠  
堂船初學記作架棠船按古樂府沙棠爲船  
桂爲楫廣韻棠棠木名玉篇棠棠可衛水則  
堂當作棠架字誤○吳筠竹賦策筭筋曼射  
筒林筭筭一作筭籥筭筭一作筭筭筭一作筭筭筭一作筭  
有叢類聚載筋竹初學記載蔓竹吳都賦又  
云籥筭射筒由梧有篁注由梧竹出交趾張

衡南都賦篠簞箛篁初學記竹譜又有筮竹似桂疑當作篔簹筋篔射筒篠簞箛篁而筮字亦可並存又齒簞絳文而繡攄齒疑作箇初學記箇簞竹皮類繡梁元帝立覽賦堯韭舜榮本草昌蒲一名堯韭一本作堯悲非陳章艾人賦列名號於冰壺壺一作臺是爾雅艾冰臺康子玉瓜賦大則三尺二升升疑當作斗廣志青登瓜大如三斗魁桂枝瓜長二尺餘若止二升不足爲大又黃瓜白搏之質搏當

文苑英華辨證卷八

九知不足齋叢書

作搏陸機瓜賦黃瓜白搏

蓋押班字韻

王僧孺有

所思詩朝光照辟邪樂府作昔邪

一名垣衣一名瓦松

見本草辟字恐非○此類覽者所宜詳也

文苑英華辨證卷之九

雜錄一

杜甫南郊賦屏玉軼以螭略按甘泉賦螭略  
斐綏螭於鑊反正言車馬之狀而集作螭略  
非

李德裕瑞橋賦霜飛文囿文囿者文王之囿  
也而集作天囿

白居易射中正鵠賦且無聲而有聞聞雖訓  
問而集徑作問

文苑英華辨證卷九

一知不足齋叢書

杜甫少年行臨軒下馬坐人牀而集作臨街  
傾銀注玉驚人眼而集作注瓦皆是後人所  
改也

陳子昂贈倉曹乞推命祿詩非同墨佳問空  
滯殺龍川集作至龍川按壘子墨子北之齊  
遇日者曰帝以今日殺黑龍於北方而先生  
之色墨不可以北墨子不聽不遂而反此詩  
謂推命祿則殺龍是集本作至非也

白居易七德舞魏徵夢見子夜泣

徵疾亟太  
宗夢與徵

別既寤流涕是夜徵卒故御製碑云昔殷宗  
得良弼於夢中今朕失賢臣於覺後見唐書  
張謹哀聞辰日哭以子夜對辰日兼注文亦  
明甚而一本作天子泣恐非

顧況歷陽苦雨詩亥市風煙接亥或改作互

按張籍江南詩云江村亥日長爲市又洪氏

芻隆興職方乘曰分寧縣本武寧縣之常州

亥也嶺南村落有市謂之虛不常會多虛日

西蜀曰亥如亥疾閒而復作也江南曰亥本

與蜀同惡以疾稱止曰亥耳二說如此則爲

文苑英華辨證卷九

亥市明矣

二一知不足齋叢書

杜顓故絳行君不見虜祁宮左傳晉侯築虜  
祁之宮注虜祁地名在絳西四十里臨汾水  
而文粹廼作祈禱宮非也

白居易進士策問第二道大時不齊大信不

約大白若辱大直若屈雷一發而蟄蟲蘇句

萌達霜一降而天地肅草木衰其爲時也大

矣斯豈不齊者乎日月代明而晝夜分刻漏

者準之無杪忽之失焉春秋代謝而寒暑節



律呂者候之無忝累之差焉其爲信也大矣  
斯豈不約者乎堯讓天下而譁由遁周有天  
下而伯夷餓其爲白也大矣斯豈辱身者乎  
桀不道龍逢諫而死紂不道比干諫而死其  
爲直也大矣斯豈屈已者乎詳上下文斯語  
極爲允當而印行集本卻於辱身屈已之上  
各添一不字但欲與不齊不約相應而忘其  
淺陋今別白言之以見印本經後人添改大  
率類此益知舊書之可信也

文苑英華辨證卷九

三例不足齊舊書

又衣食之源策求靡萍於中陵植橘柚於江  
北靡萍見左思魏都賦尋靡萍於中達五臣

注靡流也而集本無靡字柚字

楚詞天問靡萍九衢

孫翊文詞雅麗策反支通奏甲夜觀書反支  
日不受章疏見後漢而一本作及晨通奏未  
詳孰是

李德裕上尊號玉冊文寬底劄之罪劄誅見  
周禮司烜氏注又漢書述哀紀底劄鼎臣而  
集作虔劉

元稹授趙宗儒太常卿制肇自清廟逮予還  
宮贊導法儀踰於四百俛伏趨數訖無尤違  
趨數見禮記其行也趨趨以數讀作促速而  
集作趨數

徐陵勸進梁元帝表滕公擁樹見夏侯嬰傳  
一本作而擁

祖君彥爲李密檄洛州文三空總萃見後漢  
陳蕃傳而舊唐書作三靈總粹

孫樵書田將軍邊事大入成都門其三門作

文苑英華辨證卷九

四知不足齋叢書

兩句讀而文粹集本廼削其三門三字止云  
大入成都門遂不成文

陸襄誅心符屈婞見離騷經婞直以身亡而  
或作屈仕

白居易趙郡李公家廟碑李氏南祖此李紳  
也唐宰相世系表紳本趙郡李氏有南祖西  
祖東祖而集以南作宗

梁肅獨孤常州行狀孔文子以敏而好學爲  
文公叔發以恤衛國凶饑爲惠公叔拔一名

發見禮記注而集作公叔發廩

皇甫湜韓愈行狀五爲侍郎謂愈初遷刑侍  
貶潮移袁入爲國子祭酒改兵侍使鎮州迴  
轉吏侍改京尹與李紳不協改兵侍因自辨  
後爲吏侍凡五爲侍郎也而集本迺作位爲  
侍郎

以上並當以文苑爲正

雜錄二

述聖賦

太宗御製

闕作者名氏按唐謝偃傳太

文苑英華辨證卷九

五知不足齋叢書

宗召偃欲偃作賦先爲序一篇頗言天下乂  
安功德茂盛意授偃使賦之偃緣帝指名曰  
述聖帝甚悅賜偃幣帛數十則此篇是謝偃  
所作

蕭后述志賦后常不隨從時復見帝失德心  
不敢措言北史本傳作未嘗不隨從后見帝  
失德心知不可不敢措言因作述志賦以表  
其意

庾信哀江南賦茫茫慘黷錢起圖畫功臣賦

埽乾坤之慘黷杜甫送郭中丞詩中原何慘  
黷按文選陸機漢功臣贊茫茫宇宙上慘下  
黷慘楚錦切塵也三字並當作慘又哀江南  
賦下文復云人神慘酷則上不當用慘字明  
矣而周書迺以慘酷爲怨酷

鄭錫觀百獸率舞賦條支之犀黃支之鶯按  
漢平帝紀黃支獻犀牛西域傳條支國有大  
鳥卵如甕疑當作黃支之犀條支之鶯

高無際并賦棲永康之瑞鳥韋承慶枯井賦

文苑英華辨證卷九

六知不足齋叢書

永康則金精化鳥鳥一作馬按藝文類聚引  
異苑永康王曠井上有洗石子婦觀二黃鳥  
鬪掩取變成黃金則馬字非

獨孤授吉光裘賦青鳳按拾遺周昭王以青鳳毛  
裘賦誇煥於青鳳按拾遺周昭王以青鳳毛  
爲二裘一燠質二暗肌則誇煥之煥當作燠  
字明矣

陸龜蒙幽居賦力止戡蟬按列子臣之力堪  
秋蟬之翼注堪猶勝也則戡當作堪

李義府在鶴州遙敘封禪詩初學記凡兩出  
一在泰山門一在封禪門文苑所編乃泰山

門中所載者而封禪門中題作羨陪封禪乃

前篇節文首云日觀啓崇期初學記前篇與文苑作崇禎

又於第三聯有云眺迴分吳乘凌高屬漢祠

初學記前篇與文苑並無此按爾雅路入達謂之崇期又

漢官儀云泰山東南巖有日觀日觀者雞一

鳴時見日始欲出長三丈所又東南有秦觀

秦觀者望見長安吳觀者望見會稽周觀者

文苑英華辨證卷九

七知不足齋叢書

望見齊所謂眺迴分吳乘卽吳觀也二篇異

同如此當並存之

### 雜錄三

李百藥少年行少年飛翠蓋上路勒金鑣始

酌文君酒新吹弄玉簫少年子歡樂盡芳朝

千金笑裏面一搦掌中腰挂纓宿落珮

不勝嬌少年子無辭歸路遙此篇用兩少年

子在每四句後亦是而文粹樂府乃以前二

句爲少年不歡樂何以盡芳朝後二句爲寄

語少年子無辭歸路遙詳上下詞意殆不如  
文苑今姑存之

張籍蘇州江岸畱別樂天詩銀泥裙映錦障  
泥畫舸停橈馬簇蹄清唱曲終鸚鵡語紅旗  
影動薄寒嘶漸消醉色朱顏淺欲語離情翠  
黛低莫忘使君吟詠處汝墳湖北武丘西此  
詩張集不載見樂天集題作武丘寺路宴畱  
別諸妓薄寒作馱輪廣韻云馱輪蕃大馬也  
汝墳作女墳乃虎丘寺真娘墓也以此辨之

文苑英華辨證卷九

久知不足齋叢書

文苑誤矣

康翊仁鮫人潛織詩三日丈人嫌按樂府焦  
仲卿妻詩三日斷五匹丈人故嫌遲後漢范  
滂謂母爲大人而史記索隱注韋昭云古者  
名男子爲丈夫尊父嫗爲丈人故漢書宣元  
六王傳所云丈人謂淮陽憲三外王母卽張  
博母也故古詩云三日斷五匹丈人故嫌遲  
也

趙嘏西峯卽事獻沈大夫詩山連謝宅餘霞

在水應琴雞舊浪春又有宛陵寓居上沈大夫詩晚伴西峯醉客還又云謝家雲水滿東山此二首皆言宛陵也宛陵今宣州謝玄暉守宣城有謝公亭又有詩云餘霞散成綺又有琴溪卽琴高控鯉之地則雞當作谿沈大夫卽沈傳師也

梁孝元帝蘭澤多芳草詩春蘭本無豔初學記作無絕按楚詞春蘭兮秋鞠長無絕兮終古則無絕字亦是

文苑英華辨證卷九

九類不足齋叢書

白居易霓裳羽衣舞歌荅微之啓云七州千萬戶集作七縣十萬戶時微之在浙東若以越州管內言之則七縣十萬戶若以浙東觀察使所統言之則元文似是但千字疑啓中誇大之詞

羅隱薛陽陶鑿築歌千泉上相東征日曾爲陽陶歌鑿築烏江太守會稽侯相次三篇皆俊逸平泉謂李德裕曾作此歌蘇州刺史白居易越州刺史元稹並有和篇此言烏江恐

是吳江迺蘇州也

白居易題于家公主舊宅詩平陽有宅少人

遊應是遊人到卽愁布穀烏啼桃李院絡絲

蟲繞鳳凰樓臺傾滑石猶殘砌簾斷眞珠不

滿鉤聞道至今簫史在髭鬚皓白向韶州

韶州集

作明按于家公主憲宗之女永昌公主下嫁于

頤之子季友元和閒卒追封梁國諡惠康韓

退之有挽歌時季友尙存故有梧桐半樹春

之句謂半死半生也于頤家河南後徙貫京

文苑英華證卷元

十一和不是齋叢書

兆居易所題舊宅在洛中言公主已亡而簫

史尙在其後有寄明州于駙馬使君詩畱滯

三年在浙東又有近海饒風海味腥鹹之語

皆指明州也檢唐史于頤傳不書季友終於

何官而宰相世系表季友絳宋等州刺史不

及明州蓋省文也今文苑迺作韶州按唐公

主有二人適于氏一則季友一則于琮適于

琮者宣宗之女廣德公主以大中十三年下

嫁時白居易於會昌六年卒已十三年矣于



琮以咸通八年爲相十三年貶韶州刺史廣德公主與之同往其後並死於黃巢則于琮之在韶州也夫妻尙無恙又在居易卒之後安得題公主舊宅乎文苑誤指季友爲于琮遂改作韶州不可不辨

姚崇冰壺誠龐恭致水恭字當作參事見後漢

牛僧孺譴貓趙厥亂岷蜀以羅冲征之厥當作厥冲當作尙一名仲事見晉書

文苑英華辨證卷九

十一 知不足齋叢書

河南尹魏少游謝官表蒙恩除臣河南尹又云發自渠州星言卽路按唐書少游傳自渠州刺史授京兆尹而表文又引鉤距平反二事今云河南未詳

許智仁奏懷州黃河清表伏見涼州玄石式昭靈命臣部黃河應時清澈按唐書五行志貞觀十六年正月懷州黃河清十七年涼州李襲譽奏瑞石其年鄭州滑州河清今涼州玄石在先懷州河清在後則與史異

魏知古尋李道士不遇詩忽聞歸舊縣初學  
記續條作苦縣按老子姓李楚苦縣人也下云復  
想入函關亦老子事並指李先生當從初學

文苑英華辨證卷之九

文苑英華辨證卷九

十一知不足齋叢書

文苑英華辨證卷之十

雜錄四

盧照鄰與在朝諸賢書方回尙在王羲之就倉奴而共談按晉劉惔惔傳惔與羲之友善鄰情有儉奴知文章羲之每稱于惔惔問何如方回羲之曰小人耳惔曰常奴耳則倉當作儉

張玄晏謝宰相啓假金駿爲駑駘之飾駿疑作鏐亡犯切馬首飾也張衡東京賦金鏐鏐

文苑英華辨證卷十

一 知不足齋叢書

錫

薛廷珪授司農卿制鄭玄漢之名儒也韓信漢之上將也尙聞徵拜或至就加按前漢兩韓信傳無爲司農事而韓安國失官家居武帝召爲北地都尉遷大司農疑是安國○又治粟內史秦官景帝後元年更爲太農令武帝太初元年更爲大司農則漢初未有大司農也

蘇頌授房光義光祿卿制蘭猗趨職已仗於

誰何猗當作錡見張平子西京賦注云蘭錡  
兵架也

封敖德陽節歎道文按唐會要武宗六月十  
一日生名慶陽節今作德陽未詳

朱敬則北齊高祖論看尉景之肱景本傳作  
肱又北齊文襄論神武云日爲我蝕今死亦  
掩北齊書本紀作死亦何恨

庾信拓跋儉碑南起清政之樓北史本傳作  
清德樓李商隱祭伏波廟文德陽殿下寧相

文苑英華辨證卷十

二知不足齋叢書

馬以推上馬援傳作宣德殿下

韋華諫陳後主書世祖東定吳會西破王琳  
謂湘州刺史王琳不應命而世祖平之也而  
文苑作西破桂林恐非

杜牧上宣州高大夫書上官儀草廢武后詔  
李玄義助處俊言不可以位與武后而集本  
文粹並作上官儀革廢武后召李玄義云云

按唐書高宗欲廢武后令上官儀草詔又欲  
令武后攝政郝處俊李義琰固爭此云李玄

義未詳然集粹誤矣又云宰相河東司空公  
中書令裴公皆進士文粹以司空公中書令  
作司徒兼中書令按下文云司空公始相憲  
宗又云裴公元和中翦蔡是二人也蓋司空  
公廼杜黃裳與杜牧俱是京兆萬年人爲檢  
校司空河中慈隰節度使故云河東司空公  
旣與杜牧同族故不書姓名而裴度則爲司  
徒眞拜中書令亦非兼也今杜牧云皆進士  
又分別兩人事迹則非一人矣况總云凡此

文苑英華辨證卷十

三知不足齋叢書

十九公則是房元齡郝處俊來濟上官儀李  
玄義婁師德張柬之郭元振魏知古姚元崇  
宋璟劉幽求蘇瓌子頰張說張九齡張巡并  
杜黃裳裴度共十九人文粹廼云司徒兼中  
書令裴公則遺杜黃裳一人與下文不應當  
如集本作司空公中書令爲是

修堤堰判堯水屢逢媧灰未正正疑當作止  
淮南子女媧積蘆灰以止淫水

謝偃玉牒眞紀齊桓以三代之功按前漢郊

祀志齊桓公曰寡人北伐山戎西伐東馬懸  
車南伐至召陵兵車之會三據此是三伐也  
代疑當作伐

皮日休九諷並以吾之懇音慳為偃文粹以懇

作羸按玉篇廣韻有懇字音埋慧也懇是懇

字所注音慳字訛當作埋而文粹轉作羸非

李嶠授成善威等刺史制卜處冲久參武衛

夙奉文槐文槐見張衡西京賦鏤檻文槐而

或作文魏姑兩存之

文苑英華辨證卷下

四知不足齋叢書

獨孤及洪州刺史張公遺愛頌集作慳悴慳

亟苛察繳繞之吏慳慳慳亟按列子作慳慳

謹極

又楊公遺愛頌貸首種首種見月令而集作

貸其種

賦中撰人名氏有與唐登科記不同者如崔

損五色土賦大歷十年上都試第四崔恒第

六崔種無名損者丁春澤日觀賦大歷十年

東都試作丁澤劉清止水賦開元五年試第

十三劉廷玉第十七劉焜無名清者崔損北  
斗賦開元七年試作崔鎮

沈亞之旌故平盧軍節士文渤海人高洙洙  
集作鉞此李師道判官也新史舊史並作高  
沐

賈至授暢瓘諫議大夫制總目作楊瓘而舊  
史有暢瓘傳嘗爲諫議大夫

高士廉文思博要序祕書郎宋正時而唐藝  
文志撰文思博要者有李淳風無宋正時

文苑英華辨證卷十

五知不足齋叢書

李華楊騎曹集序趙郡李峤李傾南陽張階  
連年高第而唐登科記有李伉李欣張錯無  
李傾張階

左武衛胄曹許君經邦集序唯昌黎韓愈友善

韓爲江西從事此篇元以爲權德輿作而德

輿集無之愈亦未嘗爲江西從事疑愈字誤

隆興職方乘載昌黎韓洄爲觀察使張鎬僚  
佐正在此時恐是韓洄又英華載張鎬遺愛

頽云昌黎韓洄  
職方乘誤作洄

徐陵自稱徐君與王僧禪書孤  
子徐君一作名張說自稱張

君祭殷仲堪文弔陳司馬書並稱張君或疑  
君張氏文墓誌稱季兄君本集並作某  
君古人自稱如文選王僧達祭顏光祿文自  
稱王君王績集中載兩荅刺史杜之松荅處  
士馮子華與江公重借隋紀四書並稱王君  
白又文選任彥升固辭奪禮啓昉字李善本  
作君呂延濟曰昉家集諱其名但云君撰者  
因而錄之未詳孰是

張說爲建安郡王武攸宐平冀州賊契丹露  
布建安郡王武攸宐一本作河內郡王集作

文苑英華辨證卷下

六知不足齋叢書

神兵道按唐書萬歲通天初建安郡王武攸  
宐爲清邊道行軍大總管討契丹神功元年  
河內郡王武懿宗爲神兵道大總管討契丹  
孫萬榮今露布所載迺河內郡王而集中首  
題河內郡王臣某一作爲是

褚無量元希聲崔景晬墓誌沈傳師行狀元  
不書名止云某今以唐書人他皆倣此

雜錄五

張說季春下旬宴山池序尾暮春之提日按



初學記晦日門引公羊傳提月六鷗退飛過

宋都提月者何僅逮是月也何以不曰晦日

也今題云季春下旬則提月也但日字可疑

耳今公羊傳作是月  
釋文一徒兮反

韓愈藍田縣丞廳壁記劾數慢近世方公卿

韓集舉正云劾文劾諺蜀本作該該轉爲

劾其訛益甚又再進再屈于人洪氏容齋續

筆云杭本韓文作再屈千人蜀本作再進屈

千人文苑亦然舉正云蜀本作再進再屈千

文苑英華辨證卷十

人文苑作再進屈千人今從他本以千爲于

仍多再字方崧卿妻舉文苑以證韓文然此  
今本又自不同意好事者展轉改

易反失其真  
今各存其說

又李元賓墓誌竟何爲哉竟何爲哉邵伯溫

次子博字公濟續父書號聞見後錄謂石本

以上句作意何爲哉爲妙舉正遂信其說大

抵前輩文字多自改於石刻之後而石本真

贗尙未可知况邵氏父子所錄差誤非一端

不可盡信以理觀之則元本竟字亦未爲不

七知不足齋叢書

是終勝意字

湯炯薛元超行狀上幸九成宮時太子英王  
侍皇帝酒酒酣公獻壽曰天皇合易象乾將  
三異震坎艮今日是也集作太子英王皇帝  
侍酒酣皇帝蓋謂睿宗也當如集本迺合三  
身之說

賦中押韻閒有不見官韻者固所未詳乃如  
漢文帝幸細柳營賦以將軍出令漢帝徐行  
爲韻賦內云遙臨渭水之將詩在渭之將將

文苑英華辨證卷十

八知不足齋叢書

側也本是官韻或乃改作傍○又勤政樓視  
朔觀雲物賦以歡作端沛父老畱漢高祖賦  
以意爲里皆輕改官韻

凡文苑所編失作者年代先後或叢雜不倫  
今各釐正如表疏哀冊文諡議碑誌中釋門  
家廟神道中職官等卷是也他皆倣此覽者  
所宜詳也

凡詩賦雜文等多重出而頗有異同蓋編文  
苑時非出一手故也又二百六十一卷諸本

並有兩卷其篇數雖合總目而詩多重複或全異者如周賀十二首重者三溫庭筠十五首重者五杜牧九首皆不同許渾十四首前卷闕其九今合爲一卷去其重複注異同爲一作○按楊文公作楊徽之行狀云受詔與諸公編文苑英華以公專精風騷特命編詩爲二百卷則詩出一人之手不知何故重複如此

文苑英華辨證卷十

沈知不足齋叢書

凡書疏表啓等文苑多與舊唐書貞觀政要太宗實錄唐會要同而新史多潤色其文頗異今亦參取

孔熙先爲彭城王勣征鎮文見宋書范曄傳  
廼曄與熙先等謀逆之文也文苑亦從而錄之未詳

楊盈川楊去盈墓誌蔣琬之譏盛元責在司空元集作允按後漢黃琬對司空盛允曰蠻夷猾夏責在司空當作黃琬盛允蔣琬乃蜀人也

于邵送趙評事赴東都序身田身篁之身  
疑作身古文厥字見廣韻玉篇

文苑英華辨證卷之十

文苑英華辨證卷十

此知不足齋叢書

書文苑英華辨證後

廣圻素好鉛槧從事稍久始知書籍之譌實由於校據其所知改所不知通人類然流俗無論矣叔夏自序謂三折肱爲良醫知書不可以意輕改何其知言也此書乃校讎之模楷豈獨讀英華者資其是正哉雖亦未免疵類如證牛上士師子賦豈方姿於虺儻當是黑虎之臚舍爾雅而徵七命數典殊失然終無損大段之佳也乾隆癸丑十月校畢記

文苑英華辨證十卷明正德丙寅無錫華燧得陳湖

文苑英華辨證跋

一知不足齋叢書

陸氏宋本以會通館活字印行第一卷用字門僅白居易賀雨詩權德輿李國貞碑二條固疑有脫簡矣既借錢塘吳氏慈谿鄭氏兩鈔本互校則前尚有玉有瑕穢等一十九字脫佚顯然蓋華氏削之以掩其不全之跡耳頃從吳郡顧君澗寶假得手校影宋鈔本卷首空白二紙知爲活字祖本而吳鄭本所自出也摹以開雕仍虛其端以待補焉宋刻凡遇廟諱俱缺未筆今不固遵惟序文提空處略仍其式以還舊

觀云

乾隆乙卯二月十八日歙鮑廷博識於西湖沈氏山莊

文彙英華游證跋

一二知不足齋叢書

